

**ქურნალის რედაქცია ულოცავს ბატონ ზურაბ ლიპარტიას
დაბადების 65 წლისთავსა და
სამეცნიერო-პედაგოგიური მოღვაწეობის 25 წლის იუბილეს
და უსურვებს წარმატებას პროფესიულ საქმიანობასა და
პირად ცხოვრებაში**

დაიბადა 1947 წლის 5 აგვისტოს, სოფელ რუხში (ზუგდიდის რ.), სადაც 1964 წელს წარმატებით დაამთავრა საშუალო სკოლა და სწავლა დიდი-ჯიხაიშის (სამტრედიის რ.) სასოფლო-სამეურნეო ტექნიკუმში გააგრძელა. 1966 წელს მიენიჭა ბუღალტერ-მგებავის კვალიფიკაცია და წარჩინების დიპლომით შრომით საქმიანობას შეუდგა.

1972 წელს წარმატებით დაამთავრა ქ. ლენინგრადის (ამჟამად სანკტ-პეტერბურგის) სატყეო-ტექნიკური აკადემია და მიენიჭა ინჟინერ-ეკონომისტის კვალიფიკაცია. 1972-73 წლებში მუშაობდა ქ. ლენინგრადის საკავშირო ცელულოზა - ქაღალდის მრეწველობის სამეცნიერო-საწარმოო ინსტიტუტის მართვის ლაბორატორიის უფროსი ინჟინრის თანამდებობაზე, სადაც ხდება სამეცნიერო ხარისხის მაძიებელი.

1973-1987 წლებში საქართველოში მთავარი „ენგურჰესმშენის“ სამრეწველო საწარმოთა გაერთიანების გენერალური დირექტორის მოადგილე ეკონომიკურ დარგში. მუშაობის პერიოდში გამოვლინდა მისი პროფესიული და კომპეტენტური საქმიანობის მაღალი უნარი, რაც დასტურდება მიღებული სამთავრობო ჯილდოებითა და მაშინდელ პრესაში გამოქვეყნებული მასალებით (მაგ., შ. კაპანაძის წიგნი - „ძლეული მთები“, თბ., 1978)

მაღალი კვალიფიკაციისა და პრაქტიკული გამოცდილების მქონე ეკონომისტი ზურაბ ლიპარტია 1987 წლის სექტემბრის თვიდან დღემდე სოხუმის უნივერსიტეტში სამეცნიერო-პედაგოგიურ მოღვაწეობას წარმატებით ახორციელებს, სადაც განვლო გზა მეცნიერმუშაკიდან სრული პროფესორის აკადემიურ თანამდებობამდე.

ზურაბ ლიპარტიას დაცული აქვს საკანდიდატო (1993) და სადოქტორო დისერტაციები (1999) ქ. სანკტ-პეტერბურგის ეკონომიკისა და ფინანსების სახელმწიფო უნივერსიტეტში საქართველოს აგროსამრეწველო განვითარების თემატიკაში. კერძოდ, საქართველოს აგროსამრეწველო სექტორის თანამედროვე მდგომარეობის ანალიზი, მსოფლიოს განვითარებული ქვეყნების გამოცდილებისა და მეწარმეობის განვითარების ორგანიზაციულ-ეკონომიკური მექანიზმის ფორმირების ინტერპრეტაციები, აგროსამრეწვე-



ზურაბ ლიპარტია
ეკონომიკურ მეცნიერებათა დოქტორი,
სრული პროფესორი, აფხაზეთის ა/რ
მეცნიერებათა აკადემიის აკადემიკოსი

ლო ფირმის (საწარმოს) მართვის ეროვნული მოდელის შექმნის, მისი სტრატეგიული დაგეგმვისა და განვითარების პროგნოზირების ორიგინალური მეთოდოლოგიის ასპექტები აისახა მის სადოქტორო დისერტაციაში - „აგროსამრეწველო კომპლექსის საწარმოთა საქმიანობის სტრატეგიული დაგეგმვა“, რომელიც წარმატებით იქნა დაცული ქ. სანკტ-პეტერბურგის ეკონომიკისა და ფინანსების სახელმწიფო უნივერსიტეტის სპეციალიზირებულ სადოქტორო დისერტაციების საბჭოზე (1999წ. ოქტომბერი) და 2000 წლის 21 მაისის რუსეთის უმაღლესი საატესტაციო კომისიის გადაწყვეტილებით, ბატონ ზურაბ ლიპარტიას მიენიჭა ეკონომიკურ მეცნიერებათა დოქტორის სამეცნიერო ხარისხი.

ბატონი ზურაბი, 2005-2006 წლებში სოხუმის უნივერსიტეტის ეკონომიკისა და ბიზნესის

ფაკულტეტზე „ბუღალტრული აღრიცხვის, კონტროლისა და აუდიტის“ საგანმანათლებლო პროგრამას (კათედრას) ხელმძღვანელობდა, 1989-1993 წლებში (სოხუმის ტრაგედიამდე) ეკონომიკის ფაკულტეტის დეკანის პირველ მოადგილედ გვევლინებოდა. სამეცნიერო-პედაგოგიურ საქმიანობასთან ერთად აქტიურად საქმიანობს აღრიცხვისა და აუდიტის სფეროებში. 1997-2008 წლებში მოპოვებული აქვს „აუდიტისა“ და „პროფესიონალი ბუღალტრის“ - საერთაშორისო სერტიფიკატები. ხელმძღვანელობს საქართველოს პროფესიონალ ბუღალტერთა და აუდიტორთა ფედერაციის (ბაფ-ის) მიერ ორგანიზებულ პროფესიონალ ბუღალტერთა გადამზადებასა და სერტიფიცირებაში. კერძოდ, ქვეყანაში ბუღალტრული აღრიცხვის რეფორმების განსახორციელებლად მან სამეგრელო-ზემო სვანეთის მხარეში ასობით აღრიცხვის დარგის მუშაკი, მრავალი ფინანსისტი და ბუღალტერი, მათ შორის მრავალი აფხაზეთიდან დევნილი პროფესიონალი ადამიანი აზიარა „ბუღალტრული აღრიცხვის საერთაშორისო სტანდარტებს“ (ბასს-ი). პრაქტიკული დახმარება გაუწია რეგიონის საწარმოებს „ბასს“-ის დანერგვის საქმეში.

2004 წელს პროფესორ ზურაბ ლიპარტიას ორგანიზატორობით ჩატარდა საქართველოში პირველი საერთო უმაღლესი სასწავლებლების სამეცნიერო-პრაქტიკული კონფერენცია თემაზე: „აფხაზეთის რეგიონის აღმშენებლობისა და აღორძინების პრიორიტეტები პოსტკონფლიქტურ სივრცეში“, სადაც ქართველი რჩეული მეცნიერებისა და გამოცდილი პრაქტიკოსების მიერ წარდგენილი ნაშრომების მეცნიერული მიდგომების, კონცეპტუალური ხედვის პრაგმატული გამოყენება, დოკუმენტაციის შემდგომ პერიოდში აფხაზეთის ერთიან საქართველოში საზოგადოებრივი ცხოვრების მზარდი განვითარების ერთ-ერთი საფუძველი იქნება.

2002-2007 სასწავლო წლებში აფხაზეთის ა/რ მეცნიერთა აკადემიასთან არსებული შპს - უმაღლესი სასწავლო-სამეცნიერო დაწესებულების („აესა“-ს) ხელმძღვანელად ყოფნის პერიოდში 100-მდე კვალიფიცირებული ეკონომისტი და იურისტი მომზადდა. კვალიფიკაცია აიმაღლა ბუღალტრული აღრიცხვის საერთაშორისო სტანდარტებში 50-ზე მეტმა მსმენელმა.

ეკონომიკურ მეცნიერებათა დოქტორი, სრული პროფესორი, აფხაზეთის ა/რ მეცნიერებათა აკადემიის აკადემიკოსი ზურაბ ლიპარტია სამეცნიერო საქმიანობას ორი ძირითადი მიმართულებით წარმართავს, კერძოდ:

ა) საქართველოს რეგიონების სოციალურ-ეკონომიკური სამომავლო განვითარების გზების (პრიორიტეტების) კვლევა-ძიებანი და ბ) ეროვნული აღრიცხვა-ანგარიშიანობის სრულყოფის, აუდიტის (კონტროლის) სისტემის მენეჯმენტის საერთაშორისო სტანდარტების ინტერპრეტაციებისა და მათი საქართველოს საწარმოთა (კორპორაციულ) მართვაში დამკვიდრებისათვის პრაგმატული საქმიანობის წარმართვა, მაღალი აკადემიური სათანადო სასწავლო ლიტერატურის შექმნით.

ბატონი ზურაბის მეცნიერული ხელმძღვანელობით და დიდი ძალისხმევით მომზადდა და წარმატებით დაცული იქნა 5 სადოქტორო დისერტაცია ეკონომიკისა და ბიზნესის ადმინისტრირების დოქტორის აკადემიური ხარისხის მინიჭებით (მ.შ. ახალციხის სახელმწიფო სასწავლო უნივერსიტეტის მიზნობრივი პროგრამით მომზადდა 3 ეკონომიკის აკადემიური დოქტორი). ასევე, მისი რეცენზირებით შესრულდა 12 სადოქტორო დისერტაცია. მისი ძალისხმევით სამაგისტრო პროგრამების ბიზნესის ადმინისტრირების სპეციალობების: „ფინანსების და საბანკო საქმის“; „აღრიცხვა-კონტროლი და აუდიტის მენეჯმენტის“ მიმართულებით 21 მაგისტრი მომზადდა, რომლებიც აქტიურად საქმიანობენ საქართველოს საფინანსო-საკონტროლო ორგანოებში.

სამეცნიერო პედაგოგიური მოღვაწეობის 25 წლიანი პერიოდის განმავლობაში პროფესორ ზურაბ ლიპარტიას 100-ზე მეტი სამეცნიერო ნაშრომი აქვს გამოქვეყნებული ქართულ და უცხოურ ენებზე. მათ შორის 3 მონოგრაფიაა, 10 სახელმძღვანელო (6 თანაავტორობით), რომლებიც სტუდენტ-ახალგაზრდების მიერ მაღალი პროფესიული განათლებისა და პრაქტიკული ცოდნის უნარ-ჩვევების გამომუშავების საშუალო საქმეს ემსახურება, კერძოდ: „ფირმის ეკონომიკა და ბიზნეს გეგმა“ (1995), „აუდიტის საფუძველები“ (1997), „სტრატეგიული დაგეგმვა“ (1997), „სტატისტიკა“-2 წიგნად (2001, 2009.), „მიკროეკონომიკა“ (2004), „ეკონომიკური ანალიზი“-2 წიგნად (2003, 2007.), „ფინანსური მენეჯმენტი“ (2006), „კორპორაციული ფინანსების მართვა“ (2009), „საბუღალტრო საქმე“ ტ.1 (2008, 2010), „მმართველობითი აღრიცხვა და შიდა კონტროლის სისტემა“ (2011), „ფინანსური კონტროლი“ (2012).

პროფესორ ზურაბ ლიპარტიას სამეცნიერო რედაქტორობით გამოცემულია 10 სახელმძღვანელო და სასწავლო-პრაქტიკული მასალები (კ. ღურწყაიას რედაქტორობით თარგმნილი პ. სამუელინის „ეკონომიკისი“ (1998), თ. გოლეთიანის

„საწარმოს ეკონომიკის პრაქტიკუმი“ (2002), გ. თოდუას „ბუღალტრული აღრიცხვის თეორია ბასს-ით“ (2004), ნ. ძიმცეიშვილის „ფინანსური ანგარიშგება“ (2007), გ. ცაავას „რისკოლოგია“ (2006), თ. გელაშვილი, ც. ზარანდია „ფინანსური ანგარიშგების აუდიტი“ (2007), თ. გელაშვილი, გ. ბუცხრიკიძე „მიწის მარკეტინგი“ (2007), ტ. კიკვაძის „შესავალი მენეჯერულ ეკონომიკაში“ (2008), გ. ფოფხაძის „ფინანსური მენეჯმენტი“ (2010), ე. კაკულია „ფინანსები და საინვესტიციო პოლიტიკა“ (2010), თ. გელაშვილი, კ. ხუციშვილი „აუდიტის საფუძვლები“ (2010).

ბატონი ზურაბის მიერ მრავალი სახელმძღვანელო და სამეცნიერო ნაშრომი არის რეცენზირებული (ი. მესხია, დ. ჯალაღონია „ბუღალტრული აღრიცხვა ბასს-ით“ (2006), გ. ცაავა „საბანკო საქმე“ (2005), ბ. ბიწაძის „კორპორაციული მენეჯმენტის საფუძვლები“ (2006), დ. ჯალაღონია „ბუღალტრული აღრიცხვის თეორიული საფუძვლები“ (2011), მ. კუცია, მ. ჭანია „მასობრივი მომსახურების თეორია ეკონომიკასა და ბიზნესში“ (2011) და სხვა).

ბატონი ზურაბი შეთავსებით პედაგოგიურ საქმიანობას ახორციელებს საქართველოს ტექნიკურ უნივერსიტეტში (1997 წლიდან-დღემდე), საქართველოს საბაჟო აკადემიაში (2000-2007 წწ) სრული პროფესორის აკადემიურ თანამდებობაზე.

პროფესორი ზურაბ ღიპარტია არჩეულია აფხაზეთის მეცნიერებათა ეროვნული აკადემიის აკადემიკოსად, საზოგადოებრივი აკადემიების „ფაზისისა“ და „ქალდეა“-ს აკადემიკოსად. არის საზოგადოება „ზუგდიდელის“ წევრი და ზუგდიდის რაიონის მშობლიური სოფლის რუხის „საპატიო“ მოქალაქე. არჩეულია სათავადაზნაურო გვარის „ღიპარტია-ღიპარტიანი“ საზოგადოების პრეზიდენტად.

ბატონი ზურაბი იუბილარია, 65 წელიწადი მძიმე შრომაში, ძიებისა და შემოქმედებით ბრძოლაში აქვს გატარებული. თავს ბედნიერად თვლის, ყავს საყვარელი და ერთგული მეუღლე, ქალ-ვაჟი, მრავალგზის ბაბუაც არის და თავისი მოკრძალებული წვლილი შეაქვს ქვეყნის ერთიანობისა და ეკონომიკური განვითარებისათვის ბრძოლაში, სანუკვარი ოცნების მშობლიურ აფხაზეთში ღირსეულად დაბრუნების აღსასრულებლად.

ვესურვოთ კეთილშობილ და გულისხმიერ პიროვნებას, მაღალი რანგის მეცნიერსა და საზოგადო მოღვაწეს მტკიცე ჯანმრთელობა, ოჯახური ბედნიერება, წარმატებები შემოქმედებით და საზოგადოებრივ საქმიანობაში, სოხუმის უნივერსიტეტის სახელოვან კოლექტივთან ერთად ღირსეულად აფხაზეთში დაბრუნება და ერთიან, ძლიერ საქართველოში ხანგრძლივი ცხოვრება.